

Impressiun d'in cuors da troccas

DAD UOLF CANDRIAN

■ **A Cuera ha la ZyTro purschiu in cuors da troccas gratuit per tuts interessai. Sis meisas à quater giugaders han anflau la via ella «Werkstatt», il luvratori cultural da Cuera. Denter quels participonts als cuors eran biars Romontschs e cunzun era biars giuvens ein semischadai denter in pèr vegls.** La ZyTro consista ord ina grupp da giuvens che dattan bugen il giug da troccas, presents dalla suprastanza dall'uniun eran la presidenta *Laura Jemmi* e *Gion-Andri Cantieni*. Sper els dus han aunc quater auters mintgamai surpriu d'instruir ina meisas cun mintgamai treis novizs. La ZyTro ei atgnamein seviluppada ord ina grupp da quater giuvens che han entschiet a dar troccas giu Turitg, il Z el num stat perquei era atgnamein per «Züri» nua ch'els meinan era atras il turnier da troccas «Steila da Turitg». Daco ch'il cuors ha ussa giu liug

a Cuera ei buca vegniu menziunau, denton bia bia auter, mo segir aunc buca tut.

Giacun Dermont ha igl emprem presentau las cartas da troccas e las quater colurs ch'ei dat sper las troccas che dattan la finfinala era il num al giug. Il giug deriva dils Franzos che han probabel creau quellas «cartes de tarot» ord las qualas ils Sursilvans han lu creau il giug da troccas. En survetsch franzos eran biars Grischuns, aschia porta aunc oz la Cumpagnia da Mats da Domat l'uniforma da quei temps sco era ils mats da Saggogn. Aschia fa ei era buca surstar ch'igl anteriur capitani, *Gian Arquint* da Domat, ei staus ad emprender a dar il giug. Risdau aunc empau dall'istoria ha *Vitus Dermont* che ha medemamein surpriu d'instruir ina meisas.

L'atmosfera el luvratori cultural da Cuera era fetg buna ed emperneivla. Giacun Dermont ha declarau bein che las cartas consistien ord quater colurs che

vegnan numnadas: Spadas, bastuns, cuppas e rosas. Special ei che duas colurs dumbran da surengiu e duas da sutensi. Quei po irritar biars, mo Giacun ha explicau quei fetg logic. Per batter cun spadas e bastuns eisi meglier dad haver bia. Denton sche ti has in calisch singular ni ina muneida speciala, ina raritad, lu vala quella dapl che sche ti has otg cuppas.

Il tschintzchar duront dar ora ei ina fetg impurtonta part dil giug e s'auda atgnamein schon era vitier. Pér suenter che tuts han getg tgei ch'ei han ni era buc entscheiva il giug per propi. In giug che semeglia empau in jass cun cartas che semeglian il giug talian da scoppa ni d'ina dunna che sa dapl che mo magliar paun e latg. Cun quei ch'ins ha vitier las figuras e las diesch cartas per colur aunc 23 troccas ha mintga giugadur all'entschatta la dètg pluna cartas enta maun. Quei ei da s'endisar e saver tgei ch'ei iu aunc bia pli grev da tener la survesta. Las figuras consistan ord quater cartas, il retg, la femna, il cavalier ed il buob. Special ei tier las cartas romontschas stampadas dalla Surselva Romontscha che las reginas vegnan gnanc tituladas ni sco damas ni sco dunnas, mobein sco femnas. Quei, sco era il fatg che la famiglia ei buca cumpleta sch'il retg maunca, muossa ch'il giug ei schon empau pli vegls. Mo pervia da quei era cult, era sch'ei fuss forsa da ponderar ch'ins titulass las femnas empau pli da niebel, silpli en in giug da cartas. Il tschintzchar influenzescha gie il pater-tgar.

Cunzun per tuts Grischuns ei il tschintzchar duront dar ora cartas grondius. Sch'ins enconuscha Medel e Tujetsch eis ei bia pli legher da duvrar quellas expressiuns che san variar da vitg tier vitg. Era per buca Romontschs eis ei segir da cussegljar dad ina gada empustar «strusch in pier» ell'ustria e mirar cons ch'in survegn.



En la Werkstatt a Cuera ha ZyTro purschiu in cuors da troccas.

FOTO L. JEMMI

La tscherca

*Ideals
sepiardan
ella
confusiun
da
nossas
spiralas
internas.*

*Sgargugls
trivials*

*sfunsan
svilup
&
blocheschan
surmuntadas*

*Forsa
tscherch'ins
cun
cor
aviert*

*mo
egls
serrai.*

*Denton –
il
destin
tonscha
buc
a
mi.*

Carin Caduff



L'umbriva

*Buorsas
grossas
betschan
rassas
tarlischontas.*

*Nutreschan
decadenza.*

*Mascras
d'ivrom
zuppentan
fragilitad.*

*Mauns
schalentai
schendran
cors
schirai.*

Carin Caduff



Pauper gianter

■ **Da stuer viver sco carstgaun senza in dils tschun senns sto esser indescribivel. Denton co ei quei per in animal, nua ch'ils senns ein aunc sviluppai bia pli ferm ed ein pli sensibels che tier in carstgaun?** Gia dapi in temps spassegia in gat selvadi entuorn nossa casa. Sil'emprema eglia da para el d'esser in gat sco tut tschels era: El dorma bugen, va a

tier da quellas scenas? Ella cultura vegn ei pia duvrav sco mied da far rir la gliעד. Mo sche nus semettin propi avon che nus vessien da piarder nossa udida ni vesida, fuss ei lu aunc adina aschi legher? Tgei sche nus savessen buca pli udir il cucu che conta igl emprem da matg, ni la canzun preferida? Ni tgei sche nus savessen buca pli veser co tuttas fluras flureschan la pri-



Co in gat suord sa esser cuntents ella natira.

FOTO P. DIETRICH

catscha, stat a sulegl ni observa ils carstgauns. Mo cun mirar tier a siu cunfar in tec pli exactamein havein nus cattau ad agur che quei gat ei suords. Pér cu in carstgaun ni in vehichel s'approximescha sin paucs meters semeina el e sbriga naven. Problablamein auda el lu tras la vibraziun dalla tiara ch'enzatgei s'avischina ad el. Quei pauper gat ei tras sia suordadad exponius a prighels quotidian ed aschia eis el era vegnius tier siu num: Pauper gianter.

Sche nus prendein igl exempel dil teater sche vegn savens ina persuna che figurescha la suordadad avon, la quala sto s'endriescher repetidamein per capir il detg. Tgi da nus ha aunc buca ris larmas

mavera, ni co igl affon pign e schenau surri carinamein?

Il mund fuss buc il medem senza in dils tschun senns, mo plirar gida nuot, quei che quei gat ha menau avon egl a mi pli sapientivamein. Schegie che quei pauper gat ei suords e prevesa buc ils prighels eis el il pli cuntent gat ch'ieu hai viu enzacu. Si'occupaziun preferida ei da seser sil parsiel-finiestra e da cuchegiar da finiastra en. Leu sa el star uras ed uras e tener mirau. Cun quei ch'il senn dall'udida ei aunc bia pli marcants che tier carstgauns sun jeu gia savens sedumandada co quei gat ei vegnius d'untgir ses inimitgs. Rispostas hai jeu denton anflau neginas.

Petra Dietrich

Himeros

Quintar uras

Strihar gis

Dumbrar anavos

Memorias nutreschan

Recrear realitads vargadas

Spitgar.

Brama ei in dultsch regal

Carin Caduff

